



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU STRANKE DIJASPORE BOSNE I HERCEGOVINE

Broj: 03-07-6-654/17
Sarajevo, 31.07.2018. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI	5
5.2 PREPORUKE.....	9

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Stranke Dijaspore Bosne i Hercegovine i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je Stranka Dijaspore Bosne i Hercegovine prekršila odredbe člana 4. stav (1), člana 11. stav (1) i člana 12. stav (1), stav (3), stav (4) i stav (5) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke Dijaspore Bosne i Hercegovine za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka Dijaspore Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	60,00	0,04
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	134.110,28	99,96
8.	Prihodi od propagande (3-g)	0,00	0,00
I	Ukupni prihodi (1-8)	134.170,28	100,00
II	Ostali prihodi i drugo	0,00	0,00
	Izvori finansiranja (I+II)	134.170,28	100,00

U godišnjem finansijskom izvještaju stranka je iskazala ukupne rashode u iznosu od 136.425,17 KM.

2. PREDSTAVLJANJE POLITIČKE STRANKE

Naziv političke stranke je Stranka Dijaspore Bosne i Hercegovine. Skraćeni naziv stranke je SDBiH.

Stranka je registrovana kod Općinskog suda u Sarajevu, rješenjem broj: 065-0-F1-09-000036 od 10.03.2010. godine. Rješenjem Općinskog suda u Sarajevu, broj: 065-0-F1-15-000011 od 31.07.2015. godine, upisana je promjena sjedišta stranke i lica ovlaštenog za zastupanje i predstavljanje stranke. Rješenjem Općinskog suda u Sarajevu, broj: 065-0-F1-16-000005 od 13.06.2016. godine, upisana je promjena sjedišta stranke i lica ovlaštenog za zastupanje i predstavljanje stranke. Rješenjem Općinskog suda u Sarajevu, broj: 065-0-F1-16-000015 od 10.10.2017. godine, upisana je promjena lica za zastupanje i predstavljanje stranke.

Sjedište stranke je na Ilidži – Sarajevo, Senada Fazlića broj 58.

Lice ovlašćeno za zastupanje stranke u 2016. godini je Sejad Tatarin¹.

Lice ovlašćeno za podnošenje finansijskih izvještaja za 2016. godinu je Edim Fejzić.

Prema podacima iz godišnjeg finansijskog izvještaja za 2016. godinu, organizacionu strukturu Stranke Dijaspore Bosne i Hercegovine čine:

- Centrala stranke i

¹ Rješenjem Općinskog suda u Sarajevu, broj: 065-0-F1-16-000005 od 13.06.2016. godine ovlašteno lice za zastupanje i predstavljanje Stranke Dijaspore Bosne i Hercegovine je Tatarin Sejad - predsjednik stranke. Prema podacima iz Rješenja Općinskog suda u Sarajevu, broj: 065-0-F1-16-000015 od 10.10.2017. godine, ovlašteno lice za zastupanje i predstavljanje Stranke Dijaspore Bosne i Hercegovine je Edim Fejzić - predsjednik stranke.

- 6 regionalnih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke Dijaspore Bosne i Hercegovine za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Stranke Dijaspore Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Stranke Dijaspore Bosne i Hercegovine od 2010. do 2015. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2015. godinu, Služba za reviziju je izdala Izvještaj o pregledu godišnjeg finansijskog izvještaja Stranke Dijaspore Bosne i Hercegovine sa mišljenjem revizora, nalazima revizije i preporukama stranci da u svrhu ostvarivanja svojih programskih ciljeva svake godine donosi program utroška sredstava, da poslovne knjige vodi u skladu sa računovodstvenim propisima, odnosno da vodi potpune evidencije o prihodima, rashodima i obavezama, da finansijske izvještaje podnosi u formi koju je odobrila Centralna izborna komisija Bosne i Hercegovine i da dostavlja dodatnu dokumentaciju koju od nje zatraži Centralna izborna komisija Bosne i Hercegovine. Takođe je preporučeno da isplate gotovog novca iz blagajne vrši po osnovu ispravnih knjigovodstvenih isprava, da definiše postupke i procedure internih kontrola u vezi sa trošenjem sredstava, da vodi računa o vjerodostojnosti i ispravnosti dokumenata na osnovu kojih vrši isplate sredstava i da blagajničko poslovanje uredi tako da se razgraniče nadležnosti odobravanja isplata, evidentiranje isplata gotovine uz predhodno definisanje blagajničkog maksimuma.

Nerealizovane preporuke:

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Stranka Dijaspore Bosne i Hercegovine nije ispoštovala preporuke revizije.

5. NALAZI I PREPORUKE

5.1 NALAZI

a) Stranka Dijaspore Bosne i Hercegovine prekršila je odredbe člana 4. stav (1) Zakona o finansiranju političkih stranaka.

Stranka Dijaspore Bosne i Hercegovine je uz godišnji finansijski izvještaj za 2015. godinu dostavila Plan troškova za 2016. godinu. Finansijskim planom su predviđeni troškovi finansiranja kancelarija u iznosu od 40.000,00 KM, izbori 2016. godine u iznosu od 30.000,00 KM, plata sekretara u iznosu od 20.000,00 KM i administrativni troškovi u iznosu od 10.000,00 KM, odnosno ukupno 100.000,00 KM.

Stranka je u godišnjem finansijskom izvještaju iskazala troškove u ukupnom iznosu od 136.425,17 KM.

Kontrolom poslovnih knjiga i dodatne finansijske dokumentacije, utvrđeno je da sredstva stranke nisu utrošena za ostvarivanje ciljeva utvrđenih programom i statutom stranke, odnosno Planom troškova, čime su prekršene odredbe člana 4. stav (1) Zakona o finansiranju političkih stranaka.

b) Stranka Dijaspore Bosne i Hercegovine prekršila je odredbe člana 11. stav (1) i člana 12. stav (1), stav (3), stav (4) i stav (5) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Pregledom godišnjeg finansijskog izvještaja i dodatne finansijske dokumentacije, utvrđeno je da Stranka Dijaspore Bosne i Hercegovine nije u poslovnim knjigama uspostavila pravilne evidencije o rashodima i obavezama i nije popunila godišnji finansijski izvještaj za 2016. godine u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 11. stav (1)² i člana 12. stav (1) i stav (4) Zakona o finansiranju političkih stranaka.

- (1) Stranka Dijaspore Bosne i Hercegovine nije u godišnjem finansijskom izvještaju iskazala transakcijski račun broj: 3386902231834606 kod UniCredit bank dd, čime je prekršila odredbe člana 11. Pravilnika.

Prema podacima iz Jedinstvenog registra transakcijskih računa u Bosni i Hercegovini, Stranka dijaspore Bosne i Hercegovine ima otvoren račun u UniCredit banci broj: 3386902231834606.

- (2) U obrascu 2-1 (pregled stanja blagajne) godišnjeg finansijskog izvještaja za 2016. godinu iskazani su sljedeći podaci: ukupan promet ulaza u iznosu od 58.600,00 KM, ukupan promet izlaza u iznosu od 58.210,90 KM i stanje na dan 31.12.2016. godine u iznosu od 389,10 KM.

Uvidom u dostavljene blagajničke izvještaje Stranke Dijaspore Bosne i Hercegovine, utvrđeno je da su isplate iz blagajne vršene suprotno Uredbi o uslovima i načinu plaćanja gotovim novcem u Federaciji BiH, da blagajnički nalozi za isplatu ne sadrže broj niti su potpisani od strane osoba koje su primile novčana sredstva, kao i da u poslovnim knjigama troškovi nisu pravilno evidentirani.

Stranka tokom obavljanja pregleda godišnjeg finansijskog izvještaja nije dostavila račune niti drugu dokumentaciju po osnovu koje su isplaćena sredstva iz blagajne.

Na osnovu dostavljene dokumentacije, blagajničkih izvještaja i naloga isplate, Služba za reviziju je utvrdila da su iz blagajne stranke isplaćena sredstva fizičkim licima po osnovu pomoći u prehrani i sredstva za rad fizičkim licima na promovisanju stranke, sredstava za nabavku odjeće i obuće, putni troškovi, gorivo i slično.

- Uvidom u blagajnički izvještaj od 01.07.-31.07.2016. godine, utvrđeno je da su iz blagajne isplaćena sredstva za gorivo u iznosu od 2.114,71 KM, od čega je članovima stranke i za potrebe Lokalnih izbora ukupno isplaćeno 1.003,22 KM. Stranka je, takođe, u istom periodu isplatila sredstva za rad fizičkim licima na promovisanju stranke u ukupnom iznosu od 1.150,00 KM, zatim, sredstva po osnovu plaćanja registracije vozila u iznosu od 497,00 KM, iako prema podacima iz poslovnih knjiga, stranka u svom vlasništvu nema aubomobil, te nabavku mobilnog telefona u iznosu od 1.331,55 KM.

Stranka je u poslovnim knjigama na kontu troškova goriva evidentirala 2.066,48 KM, što ne odgovara podacima sa blagajničkih naloga za isplatu sredstava za ovu svrhu.

² Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

- Prema podacima iz blagajničkog izvještaja od 01.08.-31.08.2016. godine, stranka je u gotovom, iz blagajne stranke, isplatila sredstva za gorivo u iznosu od 199,01 KM, od čega je članovima stranke i za potrebe Lokalnih izbora ukupno isplaćeno 120,01 KM. Stranka je u navedenom periodu, iz blagajne fizičkim licima isplatila sredstva za rad na promovisanju stranke u ukupnom iznosu od 500,00 KM.

Uvidom u analitičku karticu konta troškova goriva utvrđeno je da je stranka u poslovnim knjigama evidentirala troškove goriva u iznosu od 137,01 KM, što ne odgovara iznosu sredstava koja su u ovu svrhu isplaćena putem blagajne.

- Uvidom u blagajnički izvještaj od 01.09.-30.09.2016. godine, utvrđeno je da su iz blagajne stranke fizičkim licima isplaćena sredstva za rad na promovisanju stranke u ukupnom iznosu od 1.490,00 KM, sredstva za led displej-video ekran u iznosu od 170,00 KM i sredstva za gorivo u iznosu od 91,68 za potrebe Lokalnih izbora.

Kada je riječ o sredstvima koja su isplaćena kao pomoć u prehrani, stranka je u blagajničkim izvještajima evidentirala isplate po računima, ali računi nisu dostavljeni u postupku pregleda. Takođe, na nalogima isplate nisu navedena imena lica kojima su sredstva isplaćena, niti su nalozi potpisani od strane istih, što upućuje da stranka isplate nije vršila na pravilan način i u skladu sa uobičajenom praksom.

- (3) Služba za reviziju je utvrdila da stranka nije pravilno popunila obrasce rashoda godišnjeg finansijskog izvještaja, te da je u obrascu 4-1 (režijsko-administrativni i ostali troškovi) iskazala rashode na nivou stranke, čime je prekršila odredbe čl. 7. stav (2), 21. i 22. Pravilnika.

Uvidom u obrazac 4-1 utvrđeno je da je stranka iskazala sljedeće troškove: troškove kancelarijskog materijala, troškove usluga i bruto plata zaposlenih, iako ima analitičke evidencije po vrstama troškova. Na primjer, u okviru konta 401-Usluge koje je stranka iskazala u obrascu 4.1 u iznosu od 29.191,28 KM evidentirani su troškovi provizije u iznosu od 646,50 KM, koji su iskazani na analitičkom kontu 40141, troškovi telefonskih usluga u iznosu od 3.901,85 KM, koji su iskazani na analitičkom kontu 40150, troškovi prehrambenih artikala u iznosu od 7.755,26 KM, koji su iskazani na analitičkom kontu 40143, troškovi rada članova stranke u iznosu od 4.560,00 KM koji su iskazani na analitičkom kontu 40161, itd.

U skladu sa odredbama člana 21. Pravilnika, stranka je u obrascu 4.1 trebala iskazati iznos troškova za svaku vrstu troška pojedinačno.

- (4) Stranka je u poslovnim knjigama iskazala rashode regionalnih odbora Mostar, Sarajevo, Bihać, Zenica i Tuzla ukupnom iznosu od 27.660,00 KM.

Uvidom u izvode sa transakcijskog računa i blagajnički izvještaj za period 01.04.-30.04.2016. godine, utvrđeno je da su troškovi evidentirani u iznosu isplaćenih sredstava, te da nije izvršeno pravdanje utroška sredstava datih odborima.

S obzirom da nije izvršeno pravdanje utroška sredstava datih odborima, stranka nema podatke u koju svrhu su utrošena sredstva koja je Centrala stranke dala regionalnim odborima. Sve navedeno ima za posljedicu pogrešno iskazane troškove u poslovnim knjigama i godišnjem finansijskom izvještaju.

- (5) Uvidom u analitičku karticu troškova zakupa, utvrđeno je da je stranka troškove zakupa dvorane JU KSC Ilidža u iznosu od 351,00 KM evidentirala dva puta, čime su troškovi iskazani u većem iznosu za 351,00 KM. Naime, stranka je prvo na kontu troška proknjižila plaćanje u iznosu od 351,00 KM, a drugi put fakturu, te je na taj način troškove i obaveze iskazala u većem iznosu za 351,00 KM.

Takođe je utvrđeno da stranka u obrascu 5 (obaveze) godišnjeg finansijskog izvještaja nije iskazala obaveze prema dobavljaču „Wand“ d.o.o. u iznosu od 702,00 KM, čime su prekršene odredbe člana 24. Pravilnika.

- (6) Stranka dijaspore BiH nije u godišnjem finansijskom izvještaju za 2016. godinu i postizbornom finansijskom izvještaju iskazala troškove kampanje za Lokalne izbore 2016. godine, čime je prekršila odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Na zahtjev Centralne izborne komisije Bosne i Hercegovine da dostavi Izjavu o načinu finansiranja izborne kampanje i iznos iste jer u finansijskom izvještaju za 2016. godinu nisu iskazani troškovi izborne kampanje, a stranka je učestvovala na Lokalnim izborima 2016. godine, stranka je dostavila Izjavu u kojoj je navedeno da je realizovala sve stavke planirane u Finansijskom planu i programu kampanje za Lokalne izbore 2016. godine za četiri opštine u Bosni i Hercegovini kojim su predviđeni troškovi u ukupnom iznosu od 22.700,00 KM³.

Kontrolom blagajničkih izvještaja, kao što je i navedeno u nalazu pod (1), utvrđeno je da je stranka u svrhu izborne kampanje utrošila sredstva za gorivo, naknade fizičkim licima za rad na promovisanju stranke i video displej.

S obzirom da stranka nije u poslovnim knjigama uspostavila pravilne evidencije o troškovima kampanje, sa sigurnošću se ne može utvrditi koliko su iznosili troškovi kampanje stranke za Lokalne izbore 2016. godine.

- (7) Dana 14.08.2017. godine, Centralna izborna komisija Bosne i Hercegovine je stranci uputila zahtjev za dostavljanje dodatne dokumentacije broj: 03-07-6-654-3/17, kojim je zatraženo da dostavi: bruto bilans na dan 31.12.2016. godine, glavnu knjigu sa kompletnim analitičkim evidencijama za period 01.01.-31.12.2016. godine, dokumentaciju o korištenju poslovnih prostora u 2016. godini za sve organizacione dijelove stranke, dokumentaciju o poslovanju putem blagajne (kopiju dnevnika blagajne, naloga uplate/isplate i dokumentacije na osnovu koje su izvršene isplate), kopiju izdate potvrde o primljenom prilogu fizičkog lica koji je iskazan na obrascu 3-a, kopiju računa za troškove kancelarijskog materijala, kopiju izvoda sa transakcijskih računa stranke kod IK banke broj: 1346201001275331 i broj: 1346201001527822 za period 01.01.-31.12.2016. godine i kopiju izvoda sa transakcijskog računa broj: 3386902231834606 kod UniCredit bank dd za period 01.01.-31.12.2016. godine.

Centralna izborna komisija Bosne i Hercegovine je, takođe, stranci uputila zahtjev za dostavljanje dokumentacije broj: 03-07-6-654-6/17, kojim je zatraženo da dostavi: kopiju naloga uplate, naloga isplate i dokumentacije na osnovu koje su izvršene isplate iskazane u blagajničkim izvještajima SDBIH Sarajevo za period 01.04.-30.04.2016. godine, SDBIH za period 01.07.-31.07.2016. godine, SDBIH za period 01.08.-31.08.2016. godine i SDBiH za period 01.09.-30.09.2016. godine, kopiju računa za troškove materijala, troškove goriva i troškove telefonskih usluga, kopiju dokumentacije za rashode regionalnih odbora Mostar, Sarajevo, Bihać, Zenica i Tuzla, analitičke kartice obaveza prema dobavljačima, Izjavu o načinu finansiranja izborne kampanje i iznos iste, te kopiju izvoda sa transakcijskog računa broj: 3386902231834606 kod UniCredit bank dd za period 01.01.-31.12.2016. godine.

Uvidom u službene evidencije, utvrđeno je da Stranka Dijaspore Bosne i Hercegovine nije dostavila sljedeću dokumentaciju: kopiju izdate potvrda o primljenom prilogu fizičkog lica koji je iskazan na obrascu 3-a, kopiju računa za troškove kancelarijskog materijala, troškove materijala, troškove goriva i troškove telefonskih usluga, kopiju dokumentacije za rashode regionalnih odbora Mostar, Sarajevo, Bihać, Zenica i Tuzla, analitičke kartice obaveza prema dobavljačima, kompletnu dokumentaciju o poslovanju putem blagajne i kopiju izvoda sa transakcijskog računa broj: 3386902231834606 kod UniCredit bank dd za period 01.01.-31.12.2016. godine.

³ Finansijski plan i program kampanje za Lokalne izbore 2016. godine za četiri opštine u Bosni i Hercegovini je dostavljen uz Izjavu.

S obzirom da stranka nije postupila u skladu sa zahtjevima Centralne izborne komisije Bosne i Hercegovine, odnosno nije dostavila dodatnu dokumentaciju, prekršene su odredbe člana 12. stav (5) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Stranka Dijaspore Bosne i Hercegovine je u svrhu izborne kampanje mogla da potroši sredstva u iznosu od 41.579,70 KM.

Stranka Dijaspore Bosne i Hercegovine u godišnjem finansijskom izvještaju za 2016. godinu i postizbornom finansijskom izvještaju – Lokalni izbori 2016. godine nije iskazala troškove kampanje.

5.2 PREPORUKE

Preporučuje se Stranci Dijaspore Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke koristi isključivo za ostvarivanje ciljeva utvrđenih svojim programom i statutom,*
- *da poslovne knjige vodi u skladu sa računovodstvenim propisima, odnosno da vodi potpune evidencije o prihodima, rashodima i obavezama,*
- *da finansijske izvještaje popunjava u skladu sa podzakonskim aktima koje donijela Centralna izborna komisija Bosne i Hercegovine,*
- *da isplatu gotovog novca iz blagajne vrši na osnovu ispravnih knjigovodstvenih isprava. Poslovanje blagajne treba urediti tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma, i*
- *da poštuje i druge propise, prevashodno propise o poslovanju gotovim novcem.*

KOMENTAR:

U ostavljenom roku, Stranka Dijaspore Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godine.

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić

⁴ Član 15.10 stav (2) Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.